

i Hercegovine ("Službene novine Federacije Bosne i Hercegovine", br. 12/03 i 34/03), čl. 25. i 34. Zakona o ustanovama ("Službeni list RBiH", br. 6/92, 8/93 i 13/94), člana 112 c. Zakona o socijalnoj zaštiti, zaštiti civilnih žrtava rata i zaštiti porodice sa djecom ("Službene novine Kantona Sarajevo", br. 16/02, 8/03, 2/06, 21/06, 17/10, 26/12 i 15/13) i člana 40 c. Zakona o posredovanju u zapošljavanju i socijalnoj sigurnosti nezaposlenih osoba u Kantonu Sarajevo ("Službene novine Kantona Sarajevo", br. 4/04, 29/09 i 18/13), Vlada Kantona Sarajevo, na 23. sjednici održanoj 28.05.2013. godine, donijela je

### ODLUKU

#### O STANDARDIMA I KRITERIJIMA ZA IMENOVANJE NA POZICIJU PREDSEDNIKA I ČLANOVA UPRAVNOG ODBORA I PREDSEDNIKA I ČLANOVA NADZORNOG ODBORA JAVNIH USTANOVA IZ OBLASTI RADA, SOCIJALNE POLITIKE, RASELJENIH LICA I IZBJEGLICA KANTONA SARAJEVO

##### I

Ovom odlukom Vlada Kantona Sarajevo utvrđuje standarde i kriterije za imenovanje na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo i to: JU "Kantonalni centar za socijalni rad", KJU "Gerontološki centar", KJU Dom za djecu bez roditeljskog staranja, KJU "Dom za socijalno zdravstveno zbrinjavanje osoba sa invaliditetom i drugih osoba", KJU "Porodično savjetovalište", KJU "Disciplinski centar za maloljetnike", JU "Terapijska zajednica - Kampus Kantona Sarajevo", JU "Služba za zapošljavanje Kantona Sarajevo" Sarajevo (u daljem tekstu: javne ustanove).

##### II

- (1) Za predsjednika i člana upravnog odbora i za predsjednika i člana nadzornog odbora javne ustanove može biti imenovano lice koje ispunjava slijedeće opće uslove:
  - a) da je stariji od 18 godina,
  - b) da nije otpušten iz državne službe kao rezultat disciplinske mjere na bilo kojem nivou u Bosni i Hercegovini (bilo na nivou države ili entiteta) u periodu od tri godine prije dana objavljivanja upražnjene pozicije,
  - c) da se na njega ne odnosi član IX. 1. Ustava Bosne i Hercegovine.
- (2) Pored navedenih općih uslova, kandidat koji se imenuje za predsjednika i člana upravnog odbora i predsjednika i člana nadzornog odbora mora ispunjavati i slijedeće posebne uslove:
  - a) da je državljanin Bosne i Hercegovine,
  - b) da nije osuđivan za krivično djelo koje je nespojivo sa obavljanjem dužnosti predsjednika i člana upravnog odbora javne ustanove i predsjednika i člana nadzornog odbora javne ustanove,
  - c) da nije osuđivan za prekršaj koji je nespojiv sa obavljanjem dužnosti predsjednika i člana upravnog odbora javne ustanove i predsjednika i člana nadzornog odbora javne ustanove,
  - d) da ima završen VII stepen stručne spreme, odnosno završen najmanje prvi ciklus bolonjskog studija visokog obrazovanja u trajanju od najmanje tri studijske godine sa akademskom titulom i stručnim zvanjem bakalaureat/bachelor (180 ECTS bodova),
  - e) da ima najmanje dvije godine radnog iskustva u struci,
  - f) da nije izabrani zvaničnik, nosilac izvršnih funkcija ili savjetnik u smislu Zakona o sukobu interesa u organima vlasti u Federaciji Bosne i Hercegovine ("Službene novine Federacije BiH", broj 70/08),

- g) da nije član više od jednog upravnog odbora ili nadzornog odbora,
  - h) da nema privatni finansijski interes u javnoj ustanovi u čiji se upravni i nadzorni odbor imenuje.
- (3) Dokaze o ispunjavanju uslova iz stava (2) tač. b) i c) pribavit će Ministarstvo za rad, socijalnu politiku, raseljena lica i izbjeglice Kantona Sarajevo, po službenoj dužnosti.

##### III

- (1) Upravni odbor javne ustanove ima pet članova, a nadzorni odbor tri člana, uključujući i predsjednika.
- (2) Imenovanje predsjednika i članova upravnog odbora i predsjednika i članova nadzornog odbora vrši se na način što se primjenjuju kriteriji da se, od prijavljenih kandidata koji ispunjavaju uslove oglasa, dva člana imenuju iz reda stručnih radnika zaposlenih u ustanovi, a tri člana ispred osnivača ustanove.
- (3) Za predsjednika i članove upravnog odbora i predsjednika i članove nadzornog odbora javne ustanove ne može biti imenovan državni službenik koji je zaposlen u organu državne službe nadležnom za vršenje bilo koje vrste nadzora nad javnom ustanovom.

##### IV

Pravila/Statut javnih ustanova moraju biti usklađeno sa ovom odlukom.

##### V

Prilikom utvrđivanja ili primjene standarda Vlada Kantona Sarajevo neće vršiti diskriminaciju prema bilo kome na osnovu rase, nacionalnog ili etničkog porijekla, boje, vjere, spola, bračnog statusa, porodičnog statusa, invalidnosti ili zbog postojanja osude za koju je izrečeno pomilovanje.

##### VI

- (1) Na osnovu općih uslova utvrđenih u članu 7. tačka 1. Zakona o ministarskim, vladinim i drugim imenovanjima Federacije Bosne i Hercegovine i standarda i kriterija iz tačke II ove odluke, ministar za rad, socijalnu politiku, raseljena lica i izbjeglice Kantona Sarajevo, shodno članu navedenog zakona, raspisuje oglas za imenovanje predsjednika i članove upravnog odbora javnih ustanova iz tačke I ove odluke.
- (2) Oglas se objavljuje u "Službenim novinama Federacije BiH" i najmanje u jednom dnevnom listu velikog tiraža.
- (3) Ministar za rad, socijalnu politiku, raseljena lica i izbjeglice Kantona Sarajevo predlaže Vladi Kantona Sarajevo Komisiju za izbor predsjednika i članove upravnog odbora i predsjednika i članove nadzornog odbora javne ustanove.

##### VII

Stupanjem na snagu ove odluke prestaje da važi Odluka o standardima i kriterijima za imenovanje na poziciju predsjednika i članova upravnog odbora i predsjednika i članova nadzornog odbora javnih ustanova iz oblasti rada, socijalne politike, raseljenih lica i izbjeglica Kantona Sarajevo ("Službene novine Kantona Sarajevo", broj, 18/09).

##### VIII

Ova odluka stupa na snagu danom donošenja i objavit će se u "Službenim novinama Kantona Sarajevo".

Broj 02-05-15617-9/13  
28. maja 2013. godine  
Sarajevo

Premijer  
Suad Zeljković, s. r.

Na osnovu čl. 22. i 24. stav 2. Zakona o Vladi Kantona Sarajevo ("Službene novine Kantona Sarajevo", broj 24/03 - Prečišćeni tekst), člana 9. stav 2. Zakona o cestama Federacije Bosne i Hercegovine ("Službene novine Federacije BiH", br. 12/10 i 16/10 - ispravka) i člana 3. i 9. Uredbe o mjerilima i kriterijumima za kategorizaciju javnih cesta ("Službene novine